

Na osnovu člana 41. Poslovnika o radu Doma naroda Parlamenta Federacije Bosne i Hercegovine, Dom naroda Parlamenta Federacije Bosne i Hercegovine je na 5. vanrednoj sjednici, održanoj 30. septembra 2015. godine, donio

ODLUKU

O FORMIRANJU I IZBORU ČLANOVA U KOMISIJU ZA EVROPSKE INTEGRACIJE DOMA NARODA PARLAMENTA FEDERACIJE BOSNE I HERCEGOVINE

I

Formira se Komisija za Evropske integracije Doma naroda Parlamenta Federacije Bosne i Hercegovine radi praćenja, provođenja i usklađivanja zakonodavstva Federacije Bosne i Hercegovine sa propisima Evropske unije.

Članovi Komisije su:

- Lidija Bradara, predsjednica Komisije,
- Slaviša Šućur, zamjenik predsjednice Komisije,
- Jasenko Tufekčić,
- Osman Ćatić,
- Tomislav Martinović.

II

Nadležnost Komisije uključuje:

- razmatranje pitanja koja su u vezi s evropskim integracijama, i njihov odnos sa organima vlasti u Bosni i Hercegovini;
- praćenje usklađivanja propisa Bosne i Hercegovine i Federacije Bosne i Hercegovine sa standardima Evropske unije;
- uspostavljanje i ostvarivanje saradnje sa komisijama i tijelima u čijoj su nadležnosti evropske integracije drugih parlamenata u Bosni i Hercegovini i inostranstvu u skladu sa Ustavom Bosne i Hercegovine i Ustavom Federacije Bosne i Hercegovine;
- praćenje izvršavanja prava i obaveza Federacije Bosne i Hercegovine proizašlih iz međunarodnih ugovora koji se odnose na evropski put Bosne i Hercegovine;
- analiziranje aktivnosti integracijske strategije za Bosnu i Hercegovinu – i pregovore sa Evropskom unijom;
- učešće u izradi studija koje se odnose na Bosnu i Hercegovinu i njezin evropski put;
- saradivanje s institucijama u Bosni i Hercegovini – Direkcijom za evropske integracije o aktivnostima Bosne i Hercegovine i Evropske unije;
- organiziranje prezentacije javnog mišljenja o evropskom putu Bosne i Hercegovine;
- pohranjivanje i sistematsko prezentiranje članovima Komisije informacija u vezi s Evropskom unijom;

- informiranje o korištenju dodijeljenih sredstava iz fondova Evropske unije Bosni i Hercegovini;
- informiranje o toku pregovora Bosne i Hercegovine sa Evropskom unijom, i
- druga pitanja.

III

Komisija će ostvarivati nadležnosti iz tačke II zajednički sa Komisijom za Evropske integracije Predstavničkog doma Parlamenta Federacije Bosne i Hercegovine.

IV

Ova odluka bit će objavljena u „Službenim novinama Federacije BiH“.

DN broj: 02-05-1293/15
30. septembar 2015. godine
S a r a j e v o

PREDSJEDAVAJUĆA
DOMA NARODA
PARLAMENTA FEDERACIJE BiH

Lidija Bradra